



VÖG VOLAPÜKA.

,Daniil Morozov': vicifal
e redakan,
,shido2308@yahoo.com',
,Ekaterinburg', ,Rossija' / Rusän.

Jäfidot soḡa bevünetik Volapüka.

YELOD 33^{id}. NÜM: 9. 2023 SETUL. PADS: 73 jü 80.

O Volapükaf lens valöpo!

Sis muls tel suvo dupadob buki e gasedis vönädikis Volapükamufa. Eküpob jenöfotis mödik, kels boso evotükons cedis e niludis oba tefü „levikodagoläd” da vol speranta. Jenöfo Volapük änämädon nog ün yel 1892^{id}, kü sperant älabon perioda penädi te bali, kel pädabükon in ‚Nürnberg’ fa limans Volapükakakluba büik mufi di ‚Schleyer’ ilüvöls. Gased bal äkanon-li mätedön lunüpo ko bükots almulik nemu degs Volapüka? Sperant sio älabon prinsipis boso votikis, ab memosev stamädas äkoedonöv-li lärnön milatis lanälanas (bevü votikans tradutanas pidiplomöl, dabükanas, tidalas niverik, büsidanas) va lemapüki bevünetik nulik? Luveratikumo äbleibons-la gebön disinapüki ut, ad kel ya ikösömikons e tefü kel ya ivedons skiliks. No äfasilos ad plaükön dub pükasit votik yufapüki fa mödikans ya pidasevöli to patöfs pükavik alik. Too i cedob, das leigod pükas di ‚Schleyer’ e di ‚Zamenhof’ kanon yufön ad suemön kodis faila Volapüka. If viloy dasuemön dinädis tefik, frutos ad betikön pükaboliti datuvanas yufapükas bofik.

Bo stadäd primik paka pro yufapük alik labon jens leigik e krisidis sümik. Lekod atosä binon dranäl lü nendöfukam kosädamedöma saidiko gudika. Ye dö jens tefik openob omulo.

Vipöl oles ed olsikanes gudikünosi valik redakan:

*Даниил
Морозов*

COGED MÄLID SE „COGIKOS VOLAPÜKIK”
fa hiel Rupert Kniele (1887).

PÜK RIGIK (,KNEIE’).

**Wenn man überall dabei sein
will.**

Fremder: „Meine Herren, was
spielen Sie denn da?”

Spieler: „Wir? Wir spielen eine
Gans aus!”

Fremder: Kann man da mit-
thun?”

Spieler: „Ei, freilich, sehr ange-
nehm!”

Nachdem das nötige Geld bei-
sammen, fragte der Fremde,
wann denn die Gans gegessen
werden soll.

„Ja,“ entgegneten diese, „heut’
haben wir die Gans bloß aus-
gespielt — gegessen haben wir
sie schon vor 8 Tagen.“

Vöna=Volapük (,Kniele’).

If vilon lāsən vātopo.

Foginel: „O sōls oba, kisi
pledons ibə is?”

Pledels: „Obs-li? seple-
dobs* gani!”

Foginel: „Kanon-li kedu-
nən?”

Pledels: „Ə dido, vemo
lesumik!”

Na mon zesūdik peko-
blinom, foginel sākōm,
kitim ibə gan sātōm pa-
fidōn.

„Ə,‘ əts əgepūkōms, ‚tu-
del te esepledobs gani —
efidobs omi ya bə delš jöl.’

VOLAPÜK PEREVIDÖL (,PHILIPPS’).

If viloy komön valöpo.

Foginan: „O sōls! kisi üfo kadapledōs-li is?”

Kadapledans: „Obs-li? sepledobs* gani.”

Foginan: „Kanoj-li kompenön?”

Kadapledans: „Ö! dido, vemo plitiko.”

Posä mon zesūdik pikobükōn, foginan äsākōm, kitimo üfo
gan pōfidon.

„Ö!” atans ägespikōms, „adelo te esepledobs gani — efi-
dobs oni ya bə delš jöl.”

* *Vārb: sepledōn < dabīnon in Volapük e vönik e nutimik me
sinif leigik, kel binon: pledōn ad gaenön moni, tituli, tropedi, e r.*

COGED VELID SE „COGIKOS VOLAPÜKIK” *fa hiel Rupert Kniele (1887).*

PÜK RIGIK (,KNEIE’).

Geburtsanzeige.

Einem Familienvater wurden Zwillinge geboren. Er meldet dies sofort seinen Eltern schriftlich in folgender Weise: „In Eile thue ich Euch zu wissen, dass wir eben zwei Zwillinge bekommen haben. Das nächste mal mehr!“

Euer A.

Vöna=Volapük (,Kniele’).

Lenun motöfa.

Famulafate* sembal pꝛ-motoms telꝛbs. Foviko no-tom penꝛdo atosi pale oma in mod sukøl: ‚Spido nunob olsi, das lenu egetobs telꝛbis tel. Naed nilikun mödikum!’

A. olsik.

VOLAPÜK PEREVIDÖL (,PHILIPPS’).

Lenun moteda.

Pro famulafat seimik telꝛd* pemoton. Sunꝛdo nunom pene-do atosi pales oka ön mod sökøl: ‚Spido nunob oles, das ebo anu egetobs telꝛdanis* tel. Pö naed sökik mödikumi!”

,A.’ olsik.

* *Binos nitedik, das in Volapük perevidöl labobs vödis tel, sevabo „telꝛd” (Deut.: ‚Zwillinge, Zwillingspaar’) e „telꝛdan” (Deut.: ‚Zwilling’, kel binon balan telꝛda).*

BESPIK BEVÜRESODIK.

,Igor Wasilewski’. Atos boso memükon obi dö din votik, se-vabo dö poyümot: „=üm”, kel ma tidabuks notodon musigotis, as sam: folüm. Ye ven viloy sagön, das pösods fol pläyons oni, täno sagoy, das binons folümanef. Ba binos-la säkäd difik, ab egevon obe magädi sümik.

,Hermann Philipps’. Pö ob äjinos binön boso bisarik, das famulafat ämäniotom ‚telꝛbis tel’. Ämögos üfo, das telꝛbs kil pemotons-li?

,Daniil Morozov’. Cedob, das notodamod at äbinon suvöfik ün tim seimik. Igo in vödabuk fa el Adelung päproibos ad ge-bön vödagrupi: ‚zwei (zwey) Zwillinge’ (logolsös: ‚<https://lexika>).

digitale-sammlungen.de/adelung/lemma/bsb00009134_9_1_1552').

Büocedob, das in püks mödik vöd tefik süükon säkädis sümik. Vöd Rusänapükik bal, kel in pük pepenöl tefon telädani (,bliznes' ü ,близнец'), as jäfüdavödeds sanavik i kanon malön kilädani, folädani, lulädani, ... (kelas vöds mödik no dabinons in Rusänapük). Zuo vöd patik defon pro gems anik ko logot leigik leigüpo pemotöls, ed atos kanon-la kodön cänidi vödas (ven sagoy-la eli „telädans kil” pla „gems kil ko logot leigik leigüpo pemotöls”).

COGED JÖLID SE „COGIKOS VOLAPÜKIK” *fa hiel Rupert Kniele (1887).*

PÜK RIGIK (,KNIELE').

Auch ein Rätsel.

Alter Onkel zu seinem kleinen Neffen Karl: „Ich will dir ein Rätsel aufgeben: Es hat graue Haare, grosse Ohren und man kann darauf reiten.“

Neffe Karl: „Lieber Onkel, das bist du ja selbst!“

VÖNA=VOLAPÜK (,KNIELE').

I rät.

Nök bäledik al nef smalik oma Karl: „Vilob sugivön ole rät: Labos 'elis gedik, lilis gletik, e kanon monitön su atos.’

Nef Karl: „O nök löfik! atos binol vo it.’

VOLAPÜK PEREVIDÖL (,PHILIPPS').

I rät.

Ziom bäldik lü hinef smalik oka: ‚Karl’: „Vilob bligädön ole rät: Labon heris gedik, lilis gretik, e kanoy monitön su on.”

Hinef: ‚Karl’: „O ziom löfik! atos binol vo ol it.”

KONOTÜL TUMYELA TELDEGID.

Säkoy radionabroadöpe sovyätarepüblilik: „Mens ovotikons-li logotiko pö kobädima=stad?”

„Ovotikon,” broadöp gespikon. „Olabons koapi smalik, bi no oneodons dicetämi, fidölo pilulis patik. Ed olabons kapi gretik, bi nenropiko oletikons: „Kiöpo kanoy-li dagetön pilulis at?” ” ☺ ☺ ☺

NOS IN GASEDS.

Fa ‚Frank Roger‘ (tiäd rigik: ‚Media Silence‘). Tradutod fa ‚Hermann Philipps‘.

Hiel Cecil äküpedom mani, kel igleipom gasedi ed äprimom ad padön in at. „Maleditö!” ätikom. „No sufälob pösodis, kels kömons ini selidöp obik cedölo, das kanons reidön glato is.”

„Pardolös!” äsagom. „Is no reidolöd! Kanol remön gasedi at, if vilol reidön oni.”

Man at älölogom ed äsmilülom säkusadölo. „Vilöfo oremoböv gasedi at, if binonöv dabükot, keli sukob. Te evilob vestigön atosi. Säkusadolös obe atosi!”

„Dabükoti kinik sukol-li? Is gased te adelik gebidon.”

„Plänobös atosi”, man ägespikom. „Ästukob timacini ün livüp oba, ed ebo nu ädunob sperimänti balid obik, do atos binon negitöfik us, de kiöp ekömob. Jinos, das sperimänt ebenoplöpon. Dät nu binon 1982, tobula del mälid, vo-li? Cedob, das duinod stunüköl somik söton panotükön in gaseds, ab no logob nuni seimik tefü atos. No suemob osi.”

Atos bo äbinon kodül stupikün tefü padam, keli ililom dü lifüp lölik oka.

„Oremol-li gasedi at, u no?” äsäkom laidälölo.

„Ba ekalkulob pökiko, e dinäd at pänotükon-la in gased ädelik”, man äfovom. „Onükömob nogna ädelo ad vestigön atosi, if dälol osi.”

„No töbidolös!” el Cecil äsagom. „Ädelo no äbinol is. Memoböv atosi.”

„Ag!” man äsagom. „Ba odelo täno, do atos osüpädonöv obi.”

„Osüpädosöv id obi”, el Cecil äbaicedom. „Benö! oremol-li gasedi at?”

Man ägeseitom gasedi sui stanäd, äloröbom me nam da herem oka, ed älogodom bosilo neplidiko. „Jinos lü ob, das no kredol vödi pu bali, keli spikob”, ämürom.

„Atos binon din täläktik balid, keli espikol jünü”, el Cecil äsagom.

„Hetob osi, ven no palecedob fefik”, man äfovom. „No meritob somi. Is neföro ologol obi dönu.”

IX:78:2023

„Lindifos põ ob ad perõn dunetābis, kels ga nosi remons”, el Cecil āmūrom smilōlo kofiko, du man āgolom segolōpio ed ālūvom selidōpi.

Zao pos minuts deglul poldans tel ākōmoms ini selidōp, leigedis kelas ilogom nefōro. Vifo ādajonoms ome māki calōfik logotōli, ab no ālabom pōti ad vestigõn oni, e balan omas āsagom:

„Sukobs miniludikani, kel lātiko peloegom lūvõn selidōpi at.”
Āsūramenom magodi mana ut, kel idupadom gasesi, „Memosevol-li pōsodi at? Ebinom-li adelo in selidōp olik?”

„Si! zao bū minuts deglul”, el Cecil āgespikom. „Āsagom obe dinis bisarik, ed ālūvom nes iremõn seimikosi. No lōfob atosi, sevabo, pōsodis isio kōmōlis e nosi remōlis.”

„Klu binos retod verātik. Danobs oli demū kevob olik. Spelob, das okanobs fanõn e geblinõn omi utōpio, se kel eskeapom.”

„Se lienetanōp-li?” el Cecil āsākom.

„Nō! se fūtūr”, poldan āgespikom. „Man at edunom timakrimi. Sevol-li atosi?”

„Nō!” āgespikom. „Kredob, das nos dō atos ābinon in gasesds ni ādela ni adela.” ■

KONSĀLS MA TIDABUK FA HIEL SCHNEPPER (1887).

METAFORS. Prūd pademonöd pato põ tradut e gebād metaforas e valikas notodotas nevoik! Nets no valiks gebons otis metaforis, lalegoramis e leigodis. Kludo sākoyöd oke, va magul nevoik binon su nādo suemovik pro alan. Binos gudikūn ad vitõn mögikūno metaforis (ed i pūkalõnis netapūkas) ed ad notodõn õn mod balugikūn tikodis. Noms tikava dareigonsõs in Volapük!

GEB VĀRBAFOMAS. Mögastad pagebonöd, if sagoy bosì, kel(os)a verāti u jenõfi no sevoy. Binon spikamamod dota e niluda ed i seti stuka nestedōfik; a. s.: **kredol-li, (das) dog at binon-la yunik? Söl: ‚Pömel’ < āsagom, (das) dog binon-la yunik, ab kanob kredõn te tōbo atosì.**

Bi Volapük buūkon spikamamodi nemedamik, mögastad pagebonöd te selediko e te in sets, kels voto no binonsöv kleiliks! ■

DOG ELAS ,BASKERVILLES’.

KAPIT MÄLID. ,BASKERVILLE HALL’ (4).

Kasedidalaban ilöädödom ed älogetom labölo cügis irediköl e logis lehitik. Pos minuts anik irivobs cifayani: fomü labüren filegrana magälik binü gifafer, labü kölüms isuföl mistomi bofaflano, pistenöls fa ligens e löpo labü kaps hisagliesdas: sköt elas ,Baskervilles’. Dom leyananik äbinon bumädafailot binü granoin blägik e bems sestegöl, ab fo on bumot nulik lafo pibumöl ästanon: sek balid golda SulüdaFrikopik siöra: ,Charles’.

Iduvegobs leyani ad lael, kö luibs dönu äseilons dub bledem, e bims bäldik älütenükons tuigis oksik, fomölo tönuli glumidik love kaps obsik. ,Baskerville’ ädremikom, äloegölo löpiozugön laeli lunik dagik lü top, kö dom äluliton äsvo späk fagiko.

„Atos is äjenon-li?” äsäkom visipölo.

„Nö! nö! pö taxuda lael votaflano.”

Geran yunik äzilogedom labü logod glumik.

„No binos stunabik, das ziom obik äbüosenom, das mifät üdrefonöv omi pö top somik,” äsagom. „Züam isik labon saidikosi ad dredükön alani. Ukoedob süikön kedi lampadas lektinik is ünü muls mäl, e no omemosevols attopi, pas ven lampads labü lita nām äsvo kandelas mil fiamü ,Swan’ ed ,Edison’ olitons ebo is: föfü cifayan.”

Lesüt iveitikon ad spad lardik glunota e lödöp ipubon lo obs. Pö lulit äkanob küpön utosi, das zänoda dil ona äbinon fasad masifik doma, se kel pärunül äseädon. Föfadil ti löliko pibeglofon fa hed, te gäps nemödik töbo äsüstegons is ed us, kö fenät u skötaplatäd ädudränon veali dagik. Tüms telatik: vönik, labü krens e pihogöls fa skers mödik < älöikons se zänodadil at. Flänäds nulikum binü granoin blägik äbinons detü e nedetü krens.

IX:80:2023

Lit paelik ädudranon da fenäts bemik masifik, e se cims geilik, kels älöons su nuf skapik klivik, smokakölüm blägik soelik äsejuton.

„Benokömö! o hisiör: ‚Henry‘! Benokömaglidobs ori põ ‚Baskerville Hall‘!”

Man geilik iföfiostepom se jad pärunüla ad maifükön yani vaba. Maged voma päsilhuäton taädölo ta lit yelovik vestibüla. Jietan äsegolof ed äyufof mani ad sälodön pä kemi obsik.

„No protestol-li ta täv nenzogik obik lomio? o siör: ‚Henry‘!” dokan: ‚Mortimer‘ äsagom. „Jimatan obik stebedof obi.”



„BENOKÖMÖ! O HISIÖR: ‚HENRY‘!”